

存菴詩集

存

自序

予自束髮受書卽喜吟咏操觚染翰矢口烏烏然輒自
悔其少作殘編斷什隨手散去故甲辰以前槩置不錄
今冬偶簡篋中所積復芟去十之二三應 制諸篇不
敢溷列酬答諸作毋容濫觴得古律詩共若干首輯成
作而嘆曰詩豈易言哉春女思而秋士悲倉庚鳴而蜻
蛸吟天地自然之音不可強也今之言詩者斤斤焉鉤
繩規矩句摹字揣之曰某漢魏某三唐不知必爲漢魏
者失在必爲漢魏也必爲三唐者失在必爲三唐也必
不爲漢魏三唐者失又在必不爲漢魏三唐也何則詩

人之旨本乎性情緣乎境遇而音之大小體之正變因之於是廟堂之詩取其肅以雖山林之詩取其澁以遠羈閨幃之詩取其麗以則交游贈答之詩取其溫以遠羈旅哀悼之詩取其婉至以悠長作者輩出各有擅場夫以一人之心力而欲兼數家之長誠戛戛乎難之矣古之善畫者當其解衣旁薄意在筆先神周象外然後淋漓點染無不如意夫詩亦然矣陶鑄古今錯綜萬化觸物造端匠心獨運故有時而漢魏有時而三唐有時而漢魏三唐不知爲漢魏三唐有時不爲漢魏三唐而無不知爲漢魏三唐要皆本乎自然發爲篇章以成一家

言者庶可無媿于風雅之林也已憶在京邸酒闌燈炮與二三同志論詩如此因書其梗槩俟夫澁於詩者訂正焉

康熙歲在丙辰季冬旣望嚴我斯題於松石間書屋



存菴詩集總目

卷之一

五言古詩七十五首

卷之二

七言古詩六十一首

卷之三

五言律詩二百一首

卷之四

七言律詩一百九十五首

卷之五

排律十二首

卷之六

五言絕句二十一首

六言絕句四首

七言絕句六十首

宛陵洪悅生梓

存菴詩集卷之一

西吳嚴我斯存菴著

五言古詩

咏慈仁寺松

矯矯蒼龍翔鬱鬱青雲蓋
俛仰何嶽崎連蜷各有態
突兀琳宮旁不知何年代
雲雷棲其顛霜飈肅以靄
神物有真意紛榮非所愛
豈同凡卉姿春華變明晦
安得移空山日夕幽人對

早秋述懷

圓景無定軌逝水無停波
少日一以去盛年良不多
青

青原上艸槭槭庭中柯瀼瀼白露降淒淒變陽和慨焉
懷百慮惜此朱顏醜蛾眉豈長保宛轉時呻哦老驥忽
垂耳中坂傷蹉跎所以古志士扣角行且歌令名不早
立零落當如何

乙巳除夕立春

白日下庭階浮颺變明晦忽忽歲云除撫時發清慨庭
樹感萎蕤層雲悽鬢黷物老奔景徂氣至流先代榮枯
有常期俛仰觀物態懷哉故園花悵矣芳蘭佩條風轉
晴波好鳥啼森蒼何當滌煩囂長嘯青林外

丙午元日獨酌書懷

霽色散林臯和風蕩平楚旅館不知春開軒澹客與展
卷命濁醪焚香得妙理車馬何闐闐飛蓋滿城市而我
愜素心鴻飛慕遐舉故山亮非遙春江正瀾瀾

河西晚眺

維舟古堞旁日沒長河皎曲岍耿踈林亂帆行樹杪飄
飄水際霞落落風前鳥遊子寡所營征途任昏曉遐眺
歷川原平沙燠未了

清淵對雨作

我行薄齊郊方舟停淺渚高岸等陵谷河流日見底野
老語津梁經年無雨水輓輪百萬餘舳艫銜首尾動聞

在菴詩集卷之一
官長憂經營竭心髓丁男困徭役何暇及耒耜聞之生
歎息低徊不能已好雨入夜來篙師相驚喜攬衣坐清
晨濕雲斃墟里安得灌百川滂沱徧汶洳豈獨憫行役
西疇樂禾黍

聊城懷古

魯連天下士倜儻古所欽射書排急難土芥視黃金拂
衣謝塵寰海嶽橫高濶區區平原客華堂滿纓簪朝遊
暮骨朽安知高蹈心我來聊城下殘碑卧荒林斯人不
可作千載空知音竚立三歎息中夜發悲吟

河上嘆

仲春下津門六月抵河上遲回齊魯間偃仰愁羈况前
月苦旱魃赤雲千里障蕭條汶泗流涓涓絕咽吭今來
大河濱洪波忽震蕩狂風號大澤平地鼓飛浪驟雨灌
百川雲氣迷砮礪篙師晨戰慄僕夫寒擁纊天道固無
常翻覆安可量滄桑變俄頃炎涼多異狀我生憑自然
高臥隨所向展卷聊自適呼僮倒村釀河怒險可平布
帆庶無恙

歸里作

遊子初入門俛仰多徬徨庭除列尊酒綵衣見高堂長
跼前致辭喜極心轉愴少小傷賤貧長復離親旁官冷

拙生計俸薄無酒漿三載勞親念遙遙滯帝鄉
詔許歸敝廬感涕辭明光親朋相慰問菽水以徜徉琴書理
舊篋竹木留空廊閉門足高枕清風愛日長車馬厭時
態逢迎非所將願言保令名前溪咏滄浪

已酉關中書懷

束髮受書讀凌厲討今古方事翰墨場羞與近代伍十
三喜奇字亦復耽綺語操管吟鳳皇對客題鸚鵡雕蟲
愧壯夫君子所不取黽勉承家學豈敢忘辛苦十五試
有司低頭習八股臨文戒蕩逸繩之以規矩號曰逢年
技相習於媿媿豈知文字理貴得先民緒琅琅天廟音

黃鍾與大呂正響旣淪亡叩之如土鼓卓哉昌黎子先
芒萬丈吐願言扶斯文得失安足數十年謬通籍寸心
難自許托足幸閒曹誦讀或有補伊昔念高山放懷在
齊魯齊魯古宗邦文章之奧府况乃山水奇海嶽起牖
戶一朝奉簡書驅車來茲土飲冰戒晨夕敬慎剖心
腑魚目難混珠美玉豈顛砥庶幾方寸心與之相水乳
下以懈生平上以報君父憶昔王夫子風流近可觀經
濟障危瀾理學開聾瞽吾道欣有歸豈僅博珪組東海
名士多淵源得所主嗟予媿謏劣努力繩步武把卷坐
空堂中天月正午俯仰心傍徨慙勤告同侶毋爲昔賢

不著言集卷之一

嗤中夜問我汝王夫子謂陽明先生也常校文山左

明遠樓眺望

秋日多清暉秋雲淡縹緲攬袂俯層樓憑虛一以眺佛
山繞前楹清河左右抱諸峯遠更奇倏歛變昏曉蒼葭
亂晴川歷歷飛沙鳥濟南名勝多中有仙人島會當凌
滄溟投簪拾瑤草

歷下亭

湖上俯層軒清風來水面芰荷秋已衰餘香生灩澦竹
徑延步屨瀟灑性所便宿鷺起圓沙兩兩飛不見白雲
自卷舒素波搖匹練愛此城市中而無耳目銜濠梁本

予懷觴咏了忘倦昔聞杜陵子曾陪北海宴至今留清
詞俯仰有餘羨

花下同徐方虎作

有客坐高齋良夜足清賞開尊延明月中庭夜氣朗好
花三兩株紛敷助幽爽花與月裴回月與人俯仰當此
花月宵邈焉思獨往坐久見天真襟情恣恻恍持杯托
太虛偃息悲塵鞅西隣冠蓋徒笙簫競俗響何如坐花
間清風與來往

送友人歸省

曾子青雲姿壯懷凌五嶽賦詩薄黃初大雅今復作耻

讀秦後書奇文欣卓犖兄弟並機雲聲名滿京洛結客
五陵豪俯眎平津閣吐詞動公卿扣盤揮鑿落擾擾紆
塵間游心在丘壑歛起故園思言進高堂酌高堂姑射
仙丰神殊綽約相夫歷萃省遺風猶磅礴亭亭珠樹花
迴翔雙鸞鷲兄采五色芝弟種三山藥堂前愛日長雲
璈奏仙樂更有白華篇一歌一進爵板輿奉花間閒居
賦潘岳豈必青麟脯晨昏足藜藿去矣憫門閭滄江控
元鶴

禱雨

出門望郊原飛塵颺廣陌當此春季時萬物需膏澤蘊

隆何蟲蟲遙見千里赤槁葉無榮條枯魚泣沙磧嗟彼
荷耩人所憂在菽麥

天子中夜起詔書出左掖駕言禱桑林殷憂不能釋昨
聞宿齋官明禋薦牲帛天心本仁愛况復虔昭格庶幾
沛陰膏芄芄奮疆場上以慰宸衷下起溝中瘠皎皎
雲漢詩徬徨坐永夕

唐氏園亭小飲

好風吹雨來淅瀝當清晝開襟滌煩囂爽氣來左右巾
車樂行遊素心洽朋舊春酒熟葡萄濃花滿嘉園步履
紆以徐竹籬森且秀芳樹何葳蕤石磴繁陰覆幽禽時

往來雨過清音奏當軒列壺觴俛仰有佳觀時序遞推
遷光景忽西驟丹草不駐顏黃金豈能壽何如進濁醪
妙理誠可究出門徒擾擾笑彼蝸角鬪試看庭中花榮
枯各有候

憶昔贈董生

不見故人仄相見鬚眉蒼契濶十五載爾我如參商空
堂剪明燭僉坐傳羽觴撫衿如夢寐中懷悽以愴請君
盡一卮聽我憶昔行憶昔甫弱冠慷慨登君堂贈我以
縞紵投我以縹緗相與樂晨夕游戲翰墨場令兄開霏
青樓邀我共丹黃仲氏梅花屋作賦聲琳琅結交杵曰

間同時溫與張相聚時痛飲人目以清狂五斗豁胸臆
一石吐肝腸醉後寫長句淋漓不可當聯床風雨夕意
氣相激昂一自甲午後聚散各無常伯氏遭坎坷上書
同鄒陽仲也赴修文宿草悲墓旁天道不可問中夜起
旁皇子獨憤時命駕言遊遠方仗節出門去徒手無資
糧叱馭陟關嶺鼓柁浮沅湘巉巖虎豹宮毒雲迷桄榔
子身走萬里所歷真窮荒相如諭蜀文陸賈黃金裝碧
雞金馬勝無不貯奚囊昔賢留遺蹟子復能文章念此
一回首仰眎天蒼茫人生天地間飄飄如轉檣歲月歛
云邁滄下沾衣裳今夕是何夕會面各他鄉子行紆組

存補詩集卷之一
綬努力揚令望願爲高岡鳳千仞恣翱翔母爲鷦鷯棲
一枝安榆枋懷哉勿可失黽勉以相將

哭弟詩

嗟我同懷人趨庭有仲季仲也降壬申少於予三歲抱
質旣羸弱長苦疾病累當予舞勺時汝年尙童穉我父
罹多難家貧無寸地庚辰辛巳間凶荒復洊至官逋索
盈門荒厨斷珠桂爾我長啼饑何暇問經義稍長歷滄
桑相攜各逃避匿跡杼山中俛仰悲勞瘁予依婦翁家
衣食能粗脩我家在比隣風雨不能蔽愧無子路米竝
少姜肱被泊乎戊子夏予復喪偶配舉家更流離漂泊

無所寄清溪舅氏園八口聊安置殘編足伊唔荒亭雜
花卉時雖苦饑寒形影不相棄未幾汝就婚前溪隔迢
遞自此各分飛相見良不易經時一往還每詫顏色異
知汝長抱疴嘔血動盈器聞之心旁皇相戒毋縱意曾
憶己亥秋汝病幾危癢我憂不能寐典衣供藥餌竊幸
得安全脫畧人間世卜居雙溪上一椽方經始草堂栽
花竹女墻覆薜荔學書臨方池彈棋洽清對有時探素
問亦頗得三昧庶幾永歲年豈復營聲利迨予遊長安
一官如匏繫菽水缺承歡中懷寔孔愧薄俸買參苓亦
復不能繼賴汝慰高堂定省時能代丙午請假歸登堂

一舞萊骨肉喜團圓壺觴列無次天倫有至樂恐爲造物忌昔聞古聖賢謙受以勵志而我秉此訓黽勉庶無悔兩年滯里門來往絕車騎汝居遠城市扁舟時把袂剪韭供盤餐宴坐揮毫解汝不善飲噉近亦嬾遊戲蕭瑟類枯禪無乃窮愁致相慰復相勉人生如駭駟天道有盈虧修短在敬肆咄嗒亦奚爲百年幾歡聚伊時王程迫駕言理征轡豈敢戀庭幃出門亦歔歔親朋送河干追隨汝亦在舟行未一程倏歘狂風厲奔濤夜不平黑雲愁黓黓汝家老蒼頭匍匐語驚悸言有西河憂汝歸甚匆遽豈料此分手竟成永別離離家近三載白雲

時瞻跋南北各一方夢想難爲思昨秋見汝信上有平安字雖有平安字開緘忽亟涕言病入膏肓形神久已廢醫藥動經年四壁空復置更多兒女憂弱息四五輩生前旣荼苦身後復誰庇覽之摧中腸嗚咽不能旣猶望邀天祐祈禱或有濟荏苒歲將除忽忽如夢藝反畏消息來所聞多隱謎及至正月中家信始不諱汝年三十九嗚呼竟長逝逝者已無知生者難自慰老母時病中何以割深愛嬌兒繞空床何以止啼淚寡婦苦伶仃何以全生計一念一腸斷一號一心碎嗚呼汝有知地下母悲愴汝子卽吾子撫養誠吾事阿譽年稍長亦頗

能誦記督責不少懈讀書漸精詣勉之以成人餘者須
次第我年正強壯汝本我同氣嗚呼汝有知汝願亦可
遂生歿本尋常晝行而夜寐揮涕作此詩聊以繼棠棣

喜雨

四月愁風霾五月怨恒暘大麥旣枯歿小麥復隳黃連
朝鞭土龍日日火雲翔農夫輟耕嘆賤子心徬皇朱明
當夏至蒸鬱不可當南山殷其雷層陰連西岡天河渡
黑豬萍翳驅群羊好雨颯然至清飈吹我裳飛電閃高
棟修雷注空堂葳蕤庭中樹葉葉生微涼佇立一騁望
川原鬱蒼蒼良苗懷新綠嘉卉沐餘芳文鱗躍清沼浴

禽起方塘覩此生物意天心終可量寄語荷耒者努力
事耕桑

述祖德詩

有序

先贈君素菴公至性獨行浹於人心先太守溪
亭公孝友循良原本理學載在家乘編諸府誌
班班可考我斯錄其軼事綴以長言敢同孔鮒
之哀家語庶幾靈運之溯貞觀云爾

我家茗溪南相傳方七葉有村曰儒林誅茅結廬室家
世本畊讀貽謀垂清白緬惟我先人至行流芳澤水木
溯本源歷歷可傳說道旁見遺金守之弗敢失荒祠風

雨夜有人來號泣自言負官糧坐是傾家業有父繫府
中徒手不能活殷勤以授之誼不分毫忽築石表遺亭
行人猶歎息復有隣家兒探囊入墻隙投金相慰勉勸
之以改轍庶幾爲完人毋爲鄉里識歿後斯人來慟哭
陳肝膈公旣完我行我忍沒公德斯言父老傳聆之動
心魄昔聞披裘翁揮金不肯拾又聞王彥方遺布化偷
竊緬惟我先人曾不愧前哲以此念發祥綿綿頌瓜瓞
篤生賢太守起家二千石廟祀崇俎豆聲猷著簡冊理
學宗紫陽慎獨以爲則皎皎見生平秋霜與冬日孝友
篤天懷服官守廉潔至今誦遺編先型不可滅兄弟有

爭田同氣傷肉骨相逢邂逅間一言生感激曰余兄懦
弱余正爲憂結使得如今兄盡讓以田宅涕泗忽縱橫
至性動愷惻因之相感悟友愛終莫逆荆樹本同根何
堪自摧折昔人止訟田閉閣以自責緬惟我先人何如
韓馮翊講學登賢書筮仕歷巖邑荒城無墻垣民貧而
土瘠有虎晝咆哮攫人殊猛烈長戈并短弩張牙不能
敵作檄告神明至誠瀝心血幽明各有司所當受譴責
而民獨何辜乃受此戕賊翼旦出西門三虎伏城闕目
睛射餘光皮毛盡僵裂鄉村苦跳梁同時告擒獲弘農
豈偶然忠信以昭格緬惟我先人談者猶咄咄佐郡理

刑名平反無冤抑諸囚環拜公於時當除夕願一別妻
子百死何足惜公曰歸去來爾母少違越諸囚各散歸
上官驚且艱少焉如期至檢點無一脫如趨父兄命不
須官府帖緬惟我先人義刑鍾離匹秩滿晉西曹閉門
還讀律左道有王冠聲勢傾朝掖殺人同草菅肆毒等
蛇螫童男與幼婦刀鋸任剖割烹糜以製九名曰長生
術側目駭輿情廉訪得其實擒之如猛虎不敢畏搏擊
須臾動公卿干請紛絡繹大斗量金珠盈箱載錦帛朝
持尙書扎暮傳臺省檄置之勿復道頃刻付刀戟東海
除大豪視此真鼯鼯緬惟我先人仁者何勇決坐是遷

遐荒一麾守窮域單車走萬里苗民咸加額偃息亂山
中流泉聲蕩滯獨坐咏陶詩素心淡秋月風氣雖有殊
性情無不愜青松撫盤桓白雲相怡悅不謂奉羽書采
木深山窟中使恣憑陵爭之不可得拂衣賦歸田寵辱
如水釋吏人攀車號追送江之側相贈何所有日清風
高節四字表平生榮名垂天末歷官十八年所至無囊
篋相攜惟阿兄起臥同衽席中堂供先像晨昏儼如郎
一蔬并一勺案前必陳設跪告肅衣冠兄弟方對食嗚
呼孺慕心終身不移易罷官居林泉角巾隨所適茅屋
止三楹風雨時狼籍竝無墻外桑但有門前雪緬惟我

先人遺憾無毫髮繩武愧後人常恐流芳歇作歌以見
志黽勉庶無斁

慈仁寺松下小飲作

秋色晚更佳夕陽下西嶺攬勝來招提窅然離人境雙
松多奇姿落落散踈影石磴無纖塵修柯薄青冥俯仰
含餘清能使幽興永呼僮傳羽觴盤蔬列蟹筍布席選
層陰脫巾掛松頂子落几案香濤生襟袖冷何必絲竹
音遙空清籟引始覺天地寬自然耳目靜車馬紛郊衢
出門多榛梗擾擾亦何爲憂來不能整何當繫斜暉萬
慮此中屏酒罷聞孤鐘歸途發深省

九日登圓教寺樓劇飲時同吳長庚蔡崑暘孫岷

瞻徐方虎分得並字

出郭秋氣高野曠涵朝景久客逢佳辰幽興隨所引相
攜騎款段緩轡西郊竝越陌望踈林耳目漸空靜夾道
楓葉淡石橋流水冷下馬入琳宮髣髴龍山境憑高舒
曠懷歷歷數峯嶺遠翠落晴空歸鴻去無影豁達天風
來煙雲變俄頃破帽不須吹脫落時露頂裘回臥曲房
踈窻白日永揮塵愜清談掃葉煮芳茗花竹列蕭森恠
石立孤迥須臾命壺觴密坐恣酣飲黃雞兼紫蟹盤殮
頗豐整人生貴適意惜此頭上鬢滿飲三百杯何必羨

鍾鼎陶潛喜醉眠屈原誇獨醒而我醉醒間此中有妙
領主人信賢豪脫畧忘規準竟日足盤桓夕陽已西冥
恐受亭尉訶樺燭不能秉歸來復斟酌明月照高枕

白雲觀

散步入秋林衣裳落空翠榛莽隱雙扉敗墻綠薜荔啄
地饑鳥號入門蒼鼠避突兀古琳宮不知幾年歲中有
一道士白髮窻下睡見客起問訊歷歷陳所記仙人號
長春高蹤自金代抱朴事無爲含真討幽邃清言動王
公解珪謝人世食雲洪厓流鍊石安期輩往來隨長煙
此地有遺蛻四壁圖丹青約畧生平事高丘鬱鬱隆歲

時停遊騎聞之感予懷俯仰生遙企天地總蘧廬古今
若奔駟秦皇與漢武齷齪無靈氣黃金不駐顏白日安
能繫羨彼長春子大塊恣遊戲而我獨營營徒取婚宦
累裴回荒寺旁日落寒山閉

雪夜獨飲

冬日少輝光偃息空堂暮浙瀝簷外聲網緝庭中樹軒
窻生虛白靜者有餘悟如入寒山中遠峯飛瀑布亦如
行深溪寒光照宿鷺對此清冷境自然滌煩慮床頭傾
濁醪把卷擁殘絮自酌還自吟得意隨所寓耿耿踈燈
明遙遙孤鐘度開簾挹清暉深夜繞階步

送吳生南歸

古人重結交生歿義不殊今人薄意氣骨肉委路衢煌煌京華路奕奕冠蓋徒輪蹄日馳逐聲利營斯須咄哉吳季子躑躅燕市隅白眼看時輩高誼青雲俱同時兩執友相繼歸黃墟謂吳長庚郭寅客鄉關既寥廓訣絕無妻孥感君推中腸終始以相扶生為治參苓歿為理衾襦古道既淪喪此誼今人無我歌結交篇慷慨聲烏烏歌罷酌君酒送君歸南湖川原莽蕭瑟雨雪方載塗願君加餐飯努力事馳驅早晚黃金臺拂拭驂騑駒

病中柬吳比部

予少垂時俗子焉寡所託學道既無成讀書患寥廓盛年一以去達生庶可樂養痾絕人徒形影如孤鶴蔣徑惟蓬蒿翟門多烏雀故人東隣居燈火通簾閣古貌無俗情斗室藏丘壑脫畧愛吾真問訊往來數貽我肘後方進我參苓酌感君意氣浚素心本良藥振衣出前榮花枝正綽約黃鳥關關鳴好風動羅幕何當斂鬱陶邀君剪葵藿

送吳臥山同年典試貴州

青門大道傍萬樹垂楊柳折柳上河梁裴回復攜手繫馬停金鞭銀鉞沽美酒把酒唱驪歌慷慨辭親友丈夫

志萬里豈能守戶牖况膺

天子命翩翩驅四牡牂牁信窮荒巉巖五丁剖盤江毒
霧黃層崖白日黝茵露沾人衣浚箐蔽林阜于役豈憚
勞攀躋向南斗叱馭古人情王程惟恐後 聖朝樹風
聲何地非材藪龍標與太白遺風猶在否淪落多奇才
咄嗟爲之久吾子天廟器自命良不苟薦賢亟榮名豈
曰非大受君行願加飡兼之慎奔走六月暑未徂辰行
每及西去去川原長臨風一回首

雜詩十首

朱明當盛夏赤日耀通衢金羈絡馬頭軒蓋紛且都往

來何雜沓日中與之俱營營謀聲利何暇分賢愚夕陪
東閣宴朝吹王門竿富貴豈有常快志在須臾不見黃
頭郎餓死委路隅

其二

神魚思大壑好鳥懷故林萬物各有托感此羈旅心薄
遊辭鄉土憂思何欽欽磬折事當塗齷齪焉能任俛首
弄柔翰徒然愧古今拂衣者誰子聊浪南山岑

其三

汲泉莫出山種蘭莫當門出山泉水濁當門傷蘭根古
之青冥士養晦以爲尊高名物所忌矜才志逾昏君看

賈鼂輩至今稱其寃吾當守雌伏三復柱下言

其四

楚客誇山雞鳳皇羞為侶宋人寶燕石安知璠璣美真
偽詎難分柰何徒貴耳曲學以釣名片言拾金紫豈不
羨時榮願言敦素履脩身以為期毋為識者嗤

其五

日暮登高臺臨眺城西陌丘塚何纍纍悲風起松栢王
侯與螻蟻同歸萬古宅北里聲嘈嘈素車如絡繹南隣
開華筵金尊邀上客

其六

子少抱微尚讀書山之椒束髮鄙章句放志凌煙霄乞
食耻叩門牧豕更吹簫三十頭早白身世兩飄颻聞有
青城客餐霞而鍊石安得在見之殷勤問寶訣長嘯乘
雲螭飄然遺巾舄此理終荒唐嘆息復何益

其七

砥行莫如新結交莫如故豈無新相知人情變朝暮君
子松桂心青青保其素小人桃李花飄落委中路嗟嗟
名利場何人不馳騫客散秋風門何人不却步此道既
淪喪膠漆豈云固我誦谷風詩慨焉生恐懼

其八

存齋詩集卷之一 五言古 七

登高望故鄉故鄉不可見離家日已久流光如飛電堂
上有老親所願加餐飯膝下小兒女經年稀見面人生
骨肉離遂覺歲月賤吾愛鹿門翁悠悠忘眷戀仰視南
飛鴻作書告親串

其九

曲不在黃河險不在太行世路本如此人心難隄防
翩年少子意氣凌秋霜談笑杯酒間各自有裏腸田竇
事已往千載心徬皇寄言世上人天道固有常

其十

孤桐高百尺托根何嶽岑良工善剴削製為綠綺琴藏

以紫玉匣藉以文錦衾神明通造化彈出飛龍吟白雲
繞指上仙鵠舞空林皇風久不作寥寥空至今一撫三
嘆息懷哉望知音

訓申隨叔同年

好雨生微涼曉起南窻下抱膝哦君詩泠泠松泉瀉日
余負懶癖高眠樂清暇門外車馬聲逢迎實所怕君家
我西隣咫尺如同舍日夕會面稀亦復斷杯尊踪跡何
太孤能不為君訝言負看花期自春已歷夏庭樹起涼
颼葳蕤落芳榭荏苒秋復來候蟲鳴石罅柰何不飲酒
坐使年華謝感之心悵悵投翰幾悲詫江干望酒船片

存者詩集卷之一
帆風可借早晚傾一壺與君坐遙夜既醉各忘言陶然
觀物化

秋日汪蛟門攜新詩過寓齋適李星巖亦至沽酒

小飲賦長句述懷東蛟門

蜻蛚鳴秋堂庭柯帶朝旭愛此風日佳清暉媚幽獨有
客枉巾車足音響空谷登堂少寒溫把君詩快讀朗月
投我懷清泉瀉萬斛颯颯大雅音琅琅飛龍曲作者多
繁聲此風久不復李侯真快士竭來成不速三人視莫
逆洒掃我書屋呼僮烹伏雌盤飧供野菽不惜青銅錢
提壺買醽醁一咏盡一觴狂言忤時俗咄嗟世上兒奔

走何齷齪抵歿戀華簪百年苦不足春華榮菘菹秋霜
凋蘭菊鸞鳳多卑棲騏驎傷局促豈不樂飛翻詭遇非
所欲吾曹磊落人耻爲時結束托意在篇章聊用怡心
目放志及郊原城西多林麓素心三四子坦率忘榮辱
暇日共行遊吟眺舒遐矚安能長低眉坐使雙鬢禿脫
此頭上巾且進杯中綠

癸丑元旦感懷

四年客長安高堂少歡讌今年歸里門慈親不相見憾
憾覽素幃依依空眷戀入戶想音容涕零如雨霰頭顱
四十餘俛仰生平念生時不盡歡浮榮安足羨朝傾一

卮酒舉向空房莫暮進一杯羹堂上何人饌感涕此良時景物各已變而我獨何爲烏啼生哀怨

先慈殯於超山瞻拜之餘泣賦是章

絕壑起悲風層巖慘白日四顧無人居新阡閉幽室白楊晨蕭蕭青松夜瑟瑟潛靈何所依呼兒不在側兒罪誠當誅拊心痛罔極母生無華堂一龕僅容膝旣歿歸荒岑一坏營未得咄嗟丈夫子覲顏徒惻惻薄俸升斗餘豈敢充家食將以卜丘壠皇憂弗克喪回高原下頽陽忽西匿

雨中過龍華寺三首

平生愛幽竒駕言訪名勝弁峯何嵯峨遙目引高興捨舟登山麓數里入修徑好雨颯然來萬壑流清聽晝暝槩牧稀雲過衣裳潤不覺身漸高了然心目淨上方杳何所一片松篁蔭忽見前峯開夕烟度孤磬

其二

石門對雲巖清池映寶珠

寺有雲岩寶珠池

了與人世隔欣逢

靜者俱息心旣有得振衣聊自娛流泉灌香積筍蕨出清厨齋罷理步屨覽眺一何紆入夜轉幽勝趺坐形神孤時聞妙香至遂使衆慮殊藤床六尺寬林臥方于于

其三

曉起坐南榮山光滿衣袂交交谷鳥鳴謾謾松風至信
宿愜余懷此中有淡會籃輿問歸路欲往還停轡修篠
密蔽天亂花紛在地半嶺空沉吟浮名多所繫回首祇
樹林鐘聲閉蒼靄安得此山居優游忘年歲

友人齋看菊

秋堂日夕佳開軒置高宴促坐陳壺觴相逢多親串高
花十餘株燦爛如霞絢枝擎白玉盤葉吐黃金鈿矯矯
霜雪姿朝華誠所賤小草忌疾風凡花矜時艷眷此歲
寒心榮枯不能變回首話曩昔光景倏流電頻年對此
花每動他鄉念今夕一開顏冰盤列佳饌手持雙蟹螯

槎頭更可羨不醉復何辭銅壺催飛箭後會須及時門

外秋聲戰

桃花塢

余幼讀書處也時有尚元子挾乩仙子常問生平偶有一圖章在案文曰平生志不

在溫飽輒懸筆書曰以此贈子行相埒也暇日重遊追憶及之

放舟城西南窮眺及秋暮蘆花十里淡蒼翠紛無數夾

山

漾名蕩晴波沆漭開宿霧遠岫變焜黃孤煙曳輕素湖

洞徑轉幽桑麻有餘趣草屋三四家來往雜雞鶩艤舟
石磴旁籃輿當坦步松徑何盤紆泠然白雲度中有靜
者居野橋流水注精舍俯層巖小閣圍嘉樹彷彿武陵
溪何人來問渡憶予年十三曾來讀書處一往得天真

泉石領高悟同時一道人芒鞋此中任授余餐霞方長
 年不足駐贈余白玉章前緣了可據荏冉三十年纏牽
 多所誤登頓重行遊倘恍夢中遇同遊者誰子坦率見
 真慄筆床兼酒鑪一一無不具手出剡溪紙索余醉中
 句解帶興淋漓日暮不能去何當謝塵寰母為弋者慕
 明月吐前汀記取來時路

為先慈卜兆于超山窀穸事畢泣賦四章用寫哀

痛時癸丑季冬廿有五日也

湯湯茗水南超山蟠佳秀吾祖實憑依於焉克啟後其
 東不二里天然環林岫大河揚其前平沙抱左右况近

先人宅精靈相輻輳庶幾妥親覓豈敢希榮茂黽勉鳩
 厥工所幸一坏就翳翳寒雲飛冽冽嚴冬候幽室一以
 閉大暮不能晝緬邈想生平揮涕滿懷袖

其二

憶昔遭世難家室嘆飄搖吾父負骸骨吾母同奔逃跋
 涉二千里歸來無完巢八口少生計旦暮填溝壕吾父
 志四方負笈多贖豪脫珥理中饋句讀董兒曹常恐兒
 衣單不憚十指勞常恐兒腹饑所飽僅藜蒿荼苦二十
 年曾不享終朝蕭蕭墓門下引爵空悲號

其三

在者詩集卷之一
中年筋力衰呻吟病在床家貧無藥物開箱與衣裳况
當播遷時寄廡他人旁人事既太甚天復降凶荒炊煙
屢晨斷寒燈少夜光機聲鳴軋軋隣婦心感傷有子忝
成人乞食天一方揚名以顯親此語亦何常生無菽水
歡歎奚貴豐藏

其四

辭家遠行遊膝下久睽隔豈不樂帝鄉高堂念垂白上
書力請歸聊以慰晨夕母也一開顏稍稍快胸膈家居
經歲餘在苒王程迫爲兒加一餐勸兒勉行役豈知出
門時音容從此革哀哀四十年強半同旅客不如林中

烏同棲相愛惜生雛能反哺生兒竟何益念茲摧中腸
悲風蕩魂魄

上巳後一日塔院集飲作

三月天氣佳晴暉蕩平楚泛泛城南湖良辰集快侶空
翠撲人衣雙鷗狎輕櫂睇目多遐攬游情曠無圭灼灼
桃樹花霏微作紅雨艤舟古院旁選勝修篁塢坦步山
徑紆解帶清風舉松濤落層巖半嶺聞樵斧好鳥隔花
鳴流泉奔澗戶一往境地濶興愜從所取席地陳壺觴
脫畧忘我汝酒態愛吾徒高風想別墅不見曩時人纍
纍都塵土荒篠飛榆錢墓門列菰黍何爲繫人寰局促

憂仰俛一醉樂無窮纖月前洲吐

和東坡岐亭戒殺詩

舉世如青蠅營營求肉汁亦復如枯魚吐沫安能濕循
環俄頃間孰失而孰得念此發淡省慼慼中腸急昔聞
天隨子欄中養鬪鳴鴨能作人語一切同覆幕堂上張
華筵厨中刀俎赤不見長城邊戰骨如林自我命同爾
命但少頭上幘驚麕顧母悲哀猿抱子泣物情豈無知
天網不少缺感涕書之紳敬告堂前客君子遠殺機道
心日以集

其二

余性寡所嗜終朝弄墨汁晨雨打窗檣破屋經旬濕飽
食攄繩床閑居無一得坐對此茫茫百感來何急清池
戲羣鷺沙堤睡乳鴨物各安所生世眼自蒙霧街頭尺
半魚掉尾籃中赤何如剪園蔬矮黃菜與韭白隣家貰
濁醪陶然一岸幘我醉作長歌憂來可當泣人生如顧
兔一月一盈缺草草百年中孰者爲主客持此淡泊心
高齋日可集

其三

人生鐘鼎貴徒誇禁臠汁時時封肥鮮僅博寸喉濕豈
知貧家兒食薺苦亦得所養有大小曾不知緩急何曾

食萬錢不數鵝與鳴柳此不二羹蔬食安用罍二公身
 名殊較若異與赤閑居俯仰餘斗室生虛白羨彼祝雞
 翁粥粥呼絳幘朝聞南舍歌夕聽西隣泣浮生本何常
 過分即為缺蓬門常不關每來不速客為君釀松花共
 讀香山集

其四

在子京邸夢蟹匡數十乞命湯釜中心
 輒憐之早見一筐恍如夢中因斷此種

抱膝坐南樓花甕供茗汁旭日照晴湖煙樹迷濛濕眼
 前飛躍多此樂了可得少陵解縛雞憐彼喧爭急東野
 游戲人竹枝聊射鴨群物得所歸世網任如幕湖邊老
 漁翁蓬頭雙脚赤呼來買魚蝦柳穿時裏白魚投之清

冷淵鼓掌忽墜幘因憶疇昔夢郭索釜中泣侵晨果見
 之呼童擲壕缺我無佞佛心慎勿語癡客所願同心人
 白社時來集

其五

舅氏陳鐵關先生常作戒殺銘授予手書
 問世頗有奇驗此予少日事也因憶及之

少小守窮賤飽飲熬羹汁家室苦飄搖豈敢惡卑濕學
 道既無成謀身復何得况乃兵火餘愁病相尋急何以
 遠禍機慄如几上鴨何以謝迷途如蜂處于羸快哉仁
 者言字字流丹赤子輿貴仁術斯義了然白片紙通精
 誠庶保此冠幘回首念生平岐路良可泣沉憂從中來
 手擊唾壺缺塊然托餘生忽忽如遠客呻吟作此篇聊

附蘇集

題湖上寓樓

樓前有桐樹婆娑枝葉好雨過生涼陰青蔥散晴昊憶
昔此樓居弱葉如錢小荏苒二十秋輪囷倏成抱嗟彼
樹如此我寧不速老頽然坐南榮憂來不可掃雙峯如
故人冠霞而衣縞對此豁襟情林巒足幽討安能逐氛
埃零落同秋草倚桐三嘆息還山苦不早

養鷹篇

有序

甲寅夏日有鷹止於庭翅垂羽鍛驅之不動而
顧盼英多自若也詢所自來童子曰曩得之山

夫畜養有日矣主人感而賦此

有鳥厥名鷲上含瑤光精秉性既剛悍散爲金氣英爪
翼凌霄漢指顧何錚錚當其獨立時百鳥莫敢嬰摩天
驚電逝橫海駭雷轟具此不凡姿雌伏安能平毡毳爾
何來剪拂置鞴檠朝飡捕黃口夕飼以鰕鮓參養日且
久毛羽漸豐盈有時一側目凌厲懷飛鳴向背旣叵測
防閑何可輕饑附飽則颺此理誠分明金風一朝動草
木枯崢嶸乘此肅殺時一舉窺滄瀛决裂忘恩義牙爪
肆縱橫制之貴在始毋使羽翼成玩忽輕掌上禍機於
此萌不見韓彭輩功成亦就烹

乙卯正月六日謁 祠堂有感

流水溯遠源喬木挺高枝枝高懼本撥源遠無津涯我行出東郊和風泮春澌澗巷結堂宇拳石何歛寄堂上陳俎豆堂下凜威儀盼嚮通精誠先靈儼在茲緬昔弘治初顯祖實開基孝友兼循良理學承先師五世既克昌代守清白規所事唯畊讀流風幸未隳吾父構此堂歲歲鳩宗支豈獨崇報本常恐祖德衰瞻拜思先型拜罷列槃匱長幼相酌酢既醉樂且怡吁嗟予鮮民回首裂心脾前年悲失恃吾父至尊彝今年兼失怙熒熒獨追隨日暮歸城隅泪下如綆縻

春日放舟由虞山西麓至劍門登拂水巖眺望有作

東風吹客襟蕩槩出西郭迴塘十里長層翠千巖薄楊柳隱人家鷗鳧傍簾閣西眺錦峯奇峰峯競雕琢艤舟度廣陌祠廟遺榱桷少憇呼僕夫肩輿凌虛壑長松靜無聲白雲高欲落登頓力漸疲倚徙欣有托巨石排蒼空壁立千仞卓疑是秦皇驅又云鬼斧鑿或如虎豹蹲或如壯士縛險如垂天雲快如芙蓉鏑詭喬不一狀中裂忽如削跼踏行其中相顧生駭愕須臾就坦塗遽然如夢覺解衣古刹旁趺坐聊歇脚山僧靜者流古貌閑

如鶴汲泉掃枯松相與進茗瀹振策復攀崖引身入寥廓
崇巖俯澗谿奔泉下磅礴有時天風吹激蕩波濤作
倒飛噴煙雲崩騰動心鬼安得曠士懷日對此斟酌尙
湖當其前泓然如一勺石壁搖波光明霞射海角陰晴
萬象殊心目了無着夕陽下遙峰空林喧鳥雀竟日恣
佳遊何必周五嶽願言此中居日夕采藜藿

酬潘菊翁

蔭不擇惡木渴不飲盜泉君子樂固窮道心老益堅結
茆城南隅清流繞門前高柳三四株歷亂響鳴蟬可吟
復可釣葆真忘天年君懷陶先生我亦謝時賢日暮哦

君詩涼風起前川

薄暮卽事

涼月生遙嶺照我湖上樓光景互明滅水木湛清幽亭
亭青桐樹枝葉如新秋披襟好風至把卷繁陰浮忽聞
采菱唱乃是漁人舟卽此愜吾素莽莽將安求胸無靜
者機徒然懷滄洲

楊節婦 有序

楊節婦者諸暨縣楊增光之妻陳氏女也年十
七歸于楊會江東亂作爲營伍所掠終不屈轉
鬻呂姓者不屈如故脩極艱楚竟成全璧嚴子

感而作此詩以待後之采風者

鴟梟啄鳳鳥巢覆無完雛烈火焚崑岡玉石將何如楊
家有新婦皎皎瓊樹枝十三學刺繡腕繩繫朱絲十五
事柔翰亦復喜詩書十六習婦道十七來于歸堂上拜
舅姑舅姑喜且怡長裾蒲桃繡廣袖合歡襦花鈿脩蟲
彩寶釧鏤文螭足上金薄履耳後明璫丞妝成勿草艸
人誇窈窕姿桃花新礦面楊柳淡雙眉顏色既靜好出
入生光儀蕤喜如膠漆形影相因依豈知連理樹驚風
遭離披豈知比翼鳥有時各分飛紛紛揭竿起弄兵於
潢池縣官匿印走居民望風靡村落無鷄犬城郭生蒿

藜所在罹荼毒况此閨中妹新婦時倉皇行走郊衢
夫婿既相失舅姑復睽離馬上逢健兒隊隊鳴鉦鞞腰
懸三尺鞘身帶七重犀倚依將軍勢殺人如艸薶十萬
良家子蜂擁何纍纍下馬卸弓箭列坐鋪氍毹抽刀割
肥羊大腕盛屠酥少婦調箏琶中婦炊屢屢老弱填溝
洫不爾橫路岐新婦口不言心中自思惟曰余遭此難
性命在須臾譬彼一孤豚投之熊與羆譬彼一良玉棄
捐擲塗泥安能保身體潔白無瑕疵誓不蒙汚辱甘心
受榜笞朝行繫馬韉夜宿伴枯飢但聞霍霍聲流血成
川渠面上塗垢膩身上無完膚舉目絕親串萬歎瀕艱

危新婦口不言心中自思惟少小聽母訓足不履門楹
結髮爲人婦白首與之俱生既同衾席死豈各東西
顏事他人不如殉刀錐且夕苦防視重門鎖歲誕生
事兩難終夜惟悲啼至情感殊顛皇天亦護持棄去
道旁張口索高資豈知妾命薄迤邐苦未除前門方
去虎後門狼復隨委身於惡少宴爾卜佳期芙蓉疊
繡褥翡翠結羅幃室內理妝奩堂中置酒醺今日良
燕會合
香陳雙卮新婦口不言心中自思惟妾命誠太薄
遭此
輕薄兒羞爲楊柳花飄蕩隨風吹寧爲幽蘭折雖
死無
嫌疑搥胸氣欲絕許身秦羅敷狂子大憤怒決裂
前致

辭傾資娶阿婦將以圖歡娛既不理盥櫛亦不奉盤
匱浪浪千行泪號泣將安之覆水既難收破鏡豈重
輝鷄
助當老拳爾悔將噬臍旁人相勸慰子姑待徐徐
狂子
意稍悟回頭強羈縻新婦口不言心中自思惟身
既入
虎穴終難捋虎鬚閣泪不敢泣佯笑如平時旦晚
乘間
隙脫身逃路隅豈畏行多露一步一趨起城上刁
斗鳴
邏卒羣追拘踉蹌返其室復如歸樊笈有翅不能
插有
天不能梯忽聞長吏贖捐金贖殃黎婦也得蒙恩
終始
幸無虧誰謂覆地水終能收盤盂誰謂破鏡缺終
能如
圓珪天道誠好還貞節諒不欺咄哉楊家婦千金
保此

不著詩集卷之一
軀全家各分散同日歸門間入門見夫婿回身拜舅姑
舅姑驚且喜夫婿方歔歔重賜與團圓此事誠大奇我
歌貽彤管聊以揚清徽

中秋南樓坐月

秋氣散澄湖景物涵衆妙攬衣上崇樓俯仰足清嘯落
日下空林遙峯露窈窕言開甕頭春高談雜諧笑襟情
一往浚歷歷窮遐眺微波斂夕烟孤霞收餘照圓月起
南榮萬籟息羣竅促管弄前溪誰家歌水調白舫三兩
人輕風移緩棹睠此樂良辰况復集長少興至飛千觴
朗吟側烏帽斜暉轉孤桐露下寒禽叫陰晴明日殊一

醉從吾好

平江曉發

荒鷄破曉雲揚舲擊沙渚宿雨未全收人家迷處所遠
磬煙中鳴漁網津頭舉兩岸水田平嘈嘈亂蛙鼓回眺
江上峯塔影沒遙浦

悼松

庭前累石成山種四小松清絕可愛署曰松石
間其一且盈丈矣忽黃落而殞主人作詩以悼
之

婆娑四小松托根南山曲移來拳石旁涼韻落書屋坐

不者詩集卷之一
對愜素懷日夕媚幽獨一株幹稍長勢欲凌朝旭撫此
一盤桓清風來謾謾柰何歲寒姿一朝同髡禿豈謂雨
露殊灌溉或不足如失我良友天心一何酷凡物忌孤
高卑下多厚福所以古至人不材師凡木

神游閣 有序

此姚舍人陟山爲其尊人榕似先生構也常夢
侍先生命建一閣且曰近西郊面南山凭眺川
原下植嘉卉吾將神游於此也閣成遂以命名
承先志也乞予賦詩予因及其家世梗槩以美
之得三百五十字

傑閣俯西郊飛甍臨廣陌清暉薄層雲灑氣延秋月我
來肅瞻仰喟焉思前哲吾茗山水清鍾秀在華閤理學
振家聲架獲丞先澤篤生廊廟才聲華更赫奕雙鳳翔
天池一麾守西粵盤錯見貞標艱危矢勁節旣表龍城
功復翦滙江蠶忠信感蛟鱷毒雲消冰雪璽書嘉公忠
御袍褒寵錫特簡外臺長繡衣總廉臬海水方羣飛四
郊鳴金鐵砥柱障狂瀾鯨波靖飄忽不惜一身命出人
於鋒鏑豈獨活萬人保全及巾幗前有于與張相繼丞
史册飄然乘列星菟裘歸毅魄御風游青冥飈車隨所
適高門啟後賢七貂與三戟伯氏登賢書仲也蚤通籍

珥筆列西清上書叩丹闕天門雖迢迢孤忠久益白以
此慰潛靈拂衣遂明發言歸先人廬轉展念疇昔寤寐
通精誠儼如侍晨夕高閣喜憑依夢中言歷歷經營承
先志堂構復新闢萃欄出塵冥層軒映丹碧躡衣一登
眺開襟蔭清樾紆迴廣除前參差羅奇石灼灼桃樹花
鬱鬱芝蘭茁手澤遺圖書音容留杖舄神兮庶歸來相
羊自怡悅樂哉與天游清芬永不歇

秋日過放生池遂放舟南湖由湖口山歸

秋氣集林臯薄游風日好高柳垂橫塘踈籬圍碧沼梵
響何清泠悠然出塵表篔簹魚尾長潑刺穿文藻到此

長道心忘形及鷗鳥拏舟任所之溯洄足幽討山翠落
空亭白雲來樹杪招提隱層巒蒼茫煙磬杳澗塢懷舊
遊斜陽明秋草時復引壺觴隨波興未了湖口一峯秀
彌覺心寬繞修篁蔭纒團密徑無昏曉山僧此結廬相
與忘年老爲我乞數竿高齋供清眺回首城南湖落日
孤霞抱歸途思轉幽波上月縹緲

時向山僧乞竹

寄海昌令許西山同年

鄴川古名邦河嶽鍾英秀之子抱令聞青雲起萃冑璠
璣天廟珍杞梗明堂構月旦推人宗家聲汝南舊五經
號無雙朗朗如列宿大文一以舒蒼生藉補抹綰綬東

存齋詩集卷之一 五言古
海隅驥足本天廐教化追隆古治理首耕耨俗無晨飲
牟野多南渡獸仁者澤枯骸勸學親句讀真見釜魚生
復聞桑雉雉猗歟孔邇風豈落三代後古來重循良褒
德先卓茂愛此同心人藹如芝蘭臭昨春奉光儀壺觴
列左右清暉朗玉山真氣飲醇酎感君高誼深令人消
鄙陋倥伯別河梁我心實孔疚寒暑間離居光景一何
驟白露下蒼葭密雲蔽遠岫安得隨飛鴻揮絃坐清晝
看君着雙鳧翩翩入帝囿

及田家樂

憫歲凶也

誰云田家樂田家良苦悲杏華桑葉白荷耰須及時東
作苟不勤何以供官私今年苦巨浸良疇爲陂池六月
買新苗種插安所施登高望隴畝滿目生蒿藜野田無
黃雀場圃號狐狸哀哉田家子終歲恒啼饑

其二

啼饑猶自可催租吏如虎昨日府帖下軍糈急旁午老
弱赴縣門日與囚爲伍丁男苦行役釀錢輸官府寡婦
中夜啼典衣無完縷不如里中兒逍遙噉酒脯生男勿
畊田畊田徒勞苦君看無家別飄然去鄉土

其三

鄉土一離別骨肉無因依雨雪方載塗艸木生寒威栖
栖泣中路白日慘霏微寄言田家子豈獨爾寒饑昔為
鍾鼎家肉食夸輕肥今無廬與室克腸采蕨薇天灾既
流行貴賤同所歸幸緩須臾死 九重正宵衣

菜根詩

澹泊志可明高潔性所獨抱此丘園心安用廟堂肉晨
起呼園丁冒雨剪嘉蕪早韭與晚菘綠葵兼紫蓼吳鹽
白如霜嫩甲青于玉少陵愛冬菹其味酸且綠放翁傳
手訣守護貴時蓄豈獨潤燥吻兼之風味足常吟所南
詩一日每三復

布衣暖菜根香讀書滋味長鄭所南句也

鄙哉肉食子容容

竊天祿此腹長負君君何負此腹

大將軍食飽捫腹而嘆曰我不負汝左右

日將軍固不負此腹此腹負將軍未常出少智慮也

不知飽食餘徒然覆公餗可

惜葵藿資不解薦葦屋君看道旁人強半如鳩鵲

存菴詩集卷之二

西吳嚴我斯存菴著

七言古詩

修吉堂 賜書恭紀

先皇垂衣十八載雍雍文治薄四海虎觀橫經雅好賢
 館閣隆文今不改戔戔丹禁玉為堂錦軸牙籤出上方
 長跪蒙恩欲感涕受書撫卷心徬徨不材少小疎章句
 十三學誦靈光賦小技雕蟲媿壯夫十年獻策公車誤
 忽叨榮寵列清班珥筆長趨霄漢間欲報昇平無寸補
 依舊芸牕閉風雨高槐清署影蕭疎彷彿圖書楊子居

在都言集卷之二
朝來騎馬沙堤路滿地黃花盡讀書

署中槐樹歌

玉堂清署飛涼雨高槐亭亭十餘樹枝幹扶蘇老歲年
廣庭四映遮煙霧我來日夕吟清風虛堂翠影蟠虬龍
繁柯盛夏白日停疎簾密蔭橫青蔥有時颯沓生秋響
曠懷忽作空山想酒盞中宵醉月明詩篇晝日停雲朗
俛仰人間多變遷風流模楷憶當年摩娑老樹空突兀
歲時不改風霜色槐乎槐乎爾非不材之木枝葉良盤
根幸得遠道傍區區不受斤斧戕我行與汝凌空蒼餐
風吸露足倘佯

長安燈市篇

天街薄暮香風起千門萬戶天如水桂魄氤氳雙闕邊
蘭膏照耀層樓裏層樓雙闕迴嗟我夾道遊人次第過
鸞笙鳳管黃金縷寶馬香車白玉珂鳴珂隊隊青門路
綺閣亭亭飛蓋度九微光燭翠翹粧百和香飄錦障霧
乍看鼇山菡萏花爭誇鳳島珊瑚樹朱門寶炬影重重
繡戶珠圍風細細繡戶遙臨大道旁朱門讌賞樂無方
金壘夜泛葡萄艷綵幄春生玳瑁梁雁柱鳴絃調錦瑟
盤龍墮馬舞霓裳三千珠履多成隊十二金釵列幾行
此時調笑歡無極此時宛轉情非一春燈歷歷亂春星

春月遙遙動春色
迷離春色落誰家
別館重樓月正斜
火樹依然金谷障
星橋還似赤城霞
星橋火樹盈南陌
又逐笙歌往城北
麗華車上玉鮫綃
碧玉釵頭金鳳飾
相逢曲巷似相知
相望還嗔相見遲
誰家繡幕鴛鴦被
何處深閨連理枝
可憐行樂情難歇
可憐韶景紛如織
年年遊隊樂陽春
處處行歌踏華月
年年去年來老歲
華紅顏翠靨故相誇
綺筵乍對頻催曲
紫陌明朝又落花
曉來落翠遺芳甸
片片飛瓊人不見
銀燭光消散綵雲
玉簫聲斷隨朝霰
浮景流光人暗催
春宵那許不啣杯
江南詞客誰相問
獨立空階咏落梅

高麗國使朝見侍班恭紀

天門曉闢彤雲翔
端圭執玉紛趨蹕
六龍負日升明堂
車書八極遍窮荒
海隅屬國天一方
滄波萬里動渺茫
驪江鴨綠橫扶桑
黃山白岳高相望
其俗柔雅喜文章
寬袍束帶鬚蒼蒼
聖朝懷遠風聲揚
日邊向化來梯
航共隨鷁鷺列西廊
嵩呼拜舞覲龍光
天馬海豹金筐
筐白珠青玉何琅琅
遠人貢享天路長
不貴異物明德
將兩階干羽頌陶唐
小臣獻賦金鑿旁
願調玉燭照遐
方千秋萬歲垂衣裳

贈李銓部

瀟湘之水清無底，風颯白雪懷彼美。美人獨立江漢濱，
朝宗萬里羣川匯。一自翱翔日月旁，文瀾倒瀉凌空蒼。
美君懷中澄皎月，美君眼底騰飛黃。長安九陌塵難滌，
美君自有神仙骨。丹崖嵒峩虎豹宮，長江如練盤蛟龍。
揮毫賦就滕王閣，彭蠡澤畔饒藜藿。楚水吳山憶勝遊，
白雲千載乘黃鶴。振衣長嘯復何如，跼蹐區區空爾爲。
吳長庚同年自安南還，朝卽歸里門歌以贈別。
男兒生不成名走萬里，風塵偃蹇何爲爾。吳郎磊落氣
莫當淋漓彩筆能，文章富貴浮名安足與。立身要使聲
名揚，與予少小稱同學。十年獻賦功名薄，辛丑之春同

計偕黃金臺上逢伯樂

長庚與予同里同
學又同舉鄉會

看君簪筆登

承明落落聲華冠，帝京忽下天邊五色詔。仗節飄然萬
里行，日南象郡殊風俗。天威浩蕩多臣服，駢駢四牡玉
花驄。旌旗照耀窮山谷，蛟潭巨浪奔若雷。島城毒雲晝
不開，勾漏山頭石如削。龍門江上天欲摧，古來勝槩幾
人有。伏波將軍江夏守，賦筆今標銅柱雲蠻童。爭進柳
子酒，驅車往返報九重。螭頭虎拜雨露濃，中道忽聞悲
罔極。不遑將母傷胸臆，吁嗟乎丈夫忠孝難兩全。何爲
於邑呼蒼天，河梁浩浩寒雲白。黃河千丈層冰折，北風
怒號鳴枯桑。愁絕金門遠，行客送君門外驪歌陳。欲言

不言多苦辛予獨勞勞滯京塵故園楊柳秋復春

病中寄答魏憲副

玉泉山上飛晴雪玉泉山下層冰折客子蕭條吟苦寒
十日門前車馬絕忽報鴻書天半來開函讀罷清風迴
貽我吳綾寫新句自慙筆札非鄒枚憶昨摳衣城外寺
西山落日嘶空翠恨無杖頭沽酒錢攜向亭前問奇字
驪歌一唱忽經年薊門楊柳吹寒燠岱嶽之雲徂徠松
對此日夕多名篇長安塵飛高十丈青絲白馬紛來往
官冷偏宜冰雪文病餘忽作爐霞想人生意氣重知音
知音一往情何濶我作短歌歌聲發遙遙千里同明月

贈別李星巖同年兼寄同館諸子

李郎意氣傾胸臆送我迢迢潞河側握手河梁嘯暮天
一聲玉笛心惻惻同館諸君盡少年凌雲綵筆相周旋
揮鞭夜踏芙蓉月把袂朝吟鳩鵲煙伊余素心洽晨夕
高槐細柳晴雲白客舍同爲羈旅人掛帆忽作天涯客
回首金門天一方昨爲膠漆今參商徘徊河下春風急
勸君加餐各努力君不見人生聚散如轉蓬往來倏忽
成西東又不見男兒窮達會有期風塵躑躅空爾爲今
夕對君酌君酒酒酣不惜傾大斗明朝騎馬走京塵余
亦悠悠行路人

春雪行

二月河干春已半春寒浙瀝停荒岸昨夜狂風卷怒濤
黑雲沉沉壓河漢曉來飛雪高數尺赤腳蒼頭盡愁嘆
千邨萬落少居民十里五里絕煙爨高原纍纍作平地
雞犬無聲老狐竄君不見山西東去年荒旱禾稼空江
以南室廬飄沒無丁男今年父老望丘壠春來荷耒布
牛種大麥青青小麥長牽翁負子耕道旁忽逢春雪連
阡陌哀鴻嗷嗷鳴中澤安得玉瑄迴陽春漁陽麥秀行
車輪

懷舊吟寄贈歷亭諸故人

黃金之臺青雀舫天門射策推吾鄙揚舲十月凍河水
野岸狂風鳴蒼莽歷亭主人古賢豪相逢意氣凌雲高
別館長懸徐穉榻登堂欲贈呂虔刀殷勤日夕開芳讌
肝膽相傾無不美問字還同載酒亭抽毫漫擬靈光殿
青漆樓頭雙黛蛾喚來爲我揚清歌絳蠟銅盤寒漏永
金壺翠館朱顏酡於時周旋多勝侶謝家玉樹青雲舉
折簡相邀話綺筵客舍天涯忘逆旅春明獻賦走長安
僕夫門外催征鞍人生良會不易得臨岐握手空盤桓
荏苒流光已六載長堤芳草年年在極目河干不見君
楊花作雪故紛紛明年蚤掛征帆促重向西園剪華燭

楊花篇

江南二三月垂楊千萬枝楊花飛不盡歷亂繞城隅城
邊裊裊風煙起飛來飛去長千里朝縈乳燕度朱樓暮
逐遊絲落江水江水朱樓相映開長條漠漠曉風催
翠簾前吹不去鴛鴦機上拂還來此時陌上飛晴雪黏
天芳草聞鶗鴂誰家寶騎絡青絲何處當壚調錦瑟青
絲錦瑟艷陽天片片花飛襯綺筵開簾譜就新翻曲踏
絮還來酒肆眠別有章臺臨別路少婦樓頭春已暮孤
鸞繡額夢還疑雙燕空梁愁欲度愁看日暮柳條空遼
水燕山路萬重晴沙幾度金微月綺閣三春玉笛風春

來已見楊花落明年柳絮還飄泊年來年去損紅顏江
草江花空翠幕江頭春盡幾人歸聞道黃榆未解圍東
風吹遍江南路惟見楊花日夜飛

掛劍臺

古人結交重生死今人結交貴口耳延陵高義空古今
一劍蒼茫照秋水劍去臺荒人代殊紛紛輕薄無賢愚
黃金綠酒誇意氣白衣蒼狗變須臾安得此劍化爲干
秋之白日長留天地寒光冽剖出如雲如雪之心胸照
人古道終不滅

夜聞鄰舟吹笛歌

長河夜靜天氣涼烏飛啞啞愁雲翔木蘭之楫橫沙棠
雙鬢翠蛾薄羅裳橫吹玉管揚清商悲風颯颯來無方
皦如空山叫鳳凰悽如孤鴈鳴寒霜迴聲變調神轉傷
含愁欲訴凝睇長我亦聞之心徬徨人生離別何無常
春風折柳章臺旁江南渭北永相望安得比翼雙鴛鴦
金壺銀箭棲華堂今夕何夕摧中腸明星迢迢河無梁
任城登太白樓歌

任州城高凌飛鳥上有層樓立縹緲我來乘興訪高蹤
俯視青徐衆山小龜蒙奕奕環其東黃河如線掛長空
日觀蓮華青可摘鴻濛氣與天門通昔聞山東李太白

光燄萬丈文章伯白眼悠悠困道傍金鑿之寵復何益
故人賀監樂豪遊相逢意氣傾滄洲酒杯在手醒復醉
解衣盤礴城西頭歎息何年歸碧落寥寥千載悲黃鶴
我欲乘風發浩歌長河白日生寒波君不見秦宮漢殿
多荒草浮雲世事空擾擾人間幾見有丹丘餐霞何處
尋三島不如痛飲任歌呼黃金難買朱顏酡人生憂樂
何時無嗚呼人生憂樂無時無青蓮居士非狂夫

過韓淮陰釣臺

悵望淮陰道城下有高臺淮流日浩蕩王孫去不回王
孫昔日持竿處迷茫夜月搖津樹千年神武奠西京百

戰奇謀奪天器解衣推食念主恩相君之背豈君意丈
夫真王何假爲一言禍胎誠足悲乃知功成不自保烏
盡弓藏理亦宜君不見雷侯辟穀辭萬戶脫棄人間高
千古河山帶礪幾滄桑至今憑弔悲風苦

白雪樓歌

濟南山水雄天下詩才賦筆多大雅滄溟先生不世才
傲睨千古凌中夏築樓百尺鮑山前風流文采憶當年
泰岱諸峰列几案蒼茫海氣垂天邊濯纓枕流快心目
更有七十二名泉讀書其間恣嘯傲網羅百代無不到
驅使屈宋如衙官建安黃初撥精奧有時騎鹿上高峰

手弄百丈青芙蓉塵視軒冕如敝帚往來數子俱高蹤
相傳東昌李使君雅能圖畫揮煌燿雲曾畫此樓掛素壁
嘉名白雪至今聞百年以來時代謝今人古人如傳舍
白雲紅葉故山秋青松皎月荒臺夜先生一去杳何所
朱闌畫棟埋荒土廣南葉君重構此乃在灤源之東非
故址我來一登樓上頭千巖萬壑響杉楸時移地換人
不見水白山青空復愁主人樓上置清酌殷勤勸我揮
鑿落昔聞山東李白曾此遊萃不注顛跨雙鶴日醉葡
萄三百斛清詩萬卷留人讀後來之賢亦不朽白雪詩
篇稱鉅手吁嗟乎人生倏歛如浮漚風塵碌碌誠可憂

何如把盞凌滄洲酒酣日暮停筵篋聽我高歌白雪樓
望華不注山懷李白舊遊處

誰將一朵青芙蓉擲此平地高巖嵒旁無枝葉勢孤聳
亭亭欲上撐鴻濛昔有狂李白白日騎蒼龍左攜赤松
子右挈東王公餐霞吸日遊無窮我來對此倦羽翼跂
予望之心忡忡安能脫此頭上巾白也與之相追從手
弄倒景攀若木平明謁帝蓬萊宮不然蹉跎人世隨飄
蓬李白李白爾將笑我屈首困樊籠

過白溝河

黃雲如蓋沙如雪狂風動地馬蹄裂行人指點古戰場

道上飛鴉啄枯骨昨聞羽書報上官連夜徵兵防盜賊
吁嗟盜賊爾何爲爾輩豈無畊田時耕田有時長苦饑
安得長吏寬租輸保汝妻子歸田廬君不見漢時賢太
守賣刀買犢今無有

夢遊泰山吟

我行齊魯不得登泰山風塵齷齪無容顏譬如讀書不
讀周王山海之奇書坐觀井底空躊躇歸來十日但高
臥魄礪胸中不可破我欲冥搜夢見之夜半忽向天門
過天門迢迢高入雲天風吹我何細縕側身俯視小宇
宙鸞鳴鳳嘯空中聞不知何仙人縹緲雲中居高冠切

雲佩恍惚乘虹霓須臾前導我引我青松溪松聲溪色
非人間瓊樓銀闕了可攀振衣長嘯躡足雲煙滄海一
羽萬山如拳吾不知蓮花日觀之峰幾千丈吾不知秦
松漢栢幾千年白鶴翔今天矯蒼龍蟠今周旋雙童醉
舞兮婉轉玉女含笑兮蹁躑吁嗟乎我生之初無仙骨
欲往從之神飄忽瞬息之間成萬里人生夢覺都如此
嗚呼人生夢覺都如此我獨何爲戀青紫君不見名山
采藥安期生東海坐綸任公子

贈李子靜同年奉使安南歌

皇帝御宇開明堂車書萬國朝未央懷柔以德不以武

雕題劓髮爭梯航安南之地古交趾僻處遐荒千萬里
黎莫屬國兩寇讐爭城攘地無時已莫氏挈土歸天朝
黎也憑凌氣益驕擅兵之罪良有在扶危誅暴人心快
庭議聲討理固然春秋昔返汶陽田張皇豈無十萬師
布義何如一紙賢 帝選廷臣使絕域意氣如雲李生
獨讀書萬卷志四方矯矯生平不可辱須臾 召見金
鑾殿殷勤顧問人爭羨蟒衣一品賜麒麟御前親撤葡
萄艷恩榮異數誠有加再拜君言不宿家道旁觀者如
堵立單車匹馬揚風沙自夏復徂秋浮江更涉漢蒼梧
雲正愁麗江波黯澹日南冬月天未涼瘴雲毒霧不可

當我僕我馬氣蒸鬱風雷雨雪感天祥交人狡獪多驕
恣下車慷慨申大義手捧尺書凜天威拜舞一如中朝
制詔命黎人返土疆從容開諭推心腸手書萬言陳十
事能使蛟鱷如馴羊莫氏爭羅拜黎人亦心服跪進柳
子漿更唱巴童曲休兵返土各抒誠南人自此歌昇平
歸來可以報 天子指陳縷縷 天顏喜君不見相如
檄陸賈裝聲名藉藉揚輝光張騫槎馬援柱紛紛遠畧
勤干櫓不加一矢控一弦重關絕域靖烽燿誰謂書生
不出戶庭窮墳典不能封侯萬里致通顯嗚呼男兒何
必致身通顯萬里求封侯如君赫赫垂千秋

書申端愍年伯旌忠錄後

崇禎甲申三月春赤眉銅馬犯京塵天子愴惶下殿走
一時城闕化青燐可憐養士三百載肉食者子今安在
紛紛黨禍等兒戲國破君亡終不改幾人抗義揚鬚眉
二十四公身名垂先生大節勵生平堅如金石久不虧
此時奉命出畿甸單騎入城思酣戰大厦終難一木支
攀髯願見君王面王公之井止水亭奮衣落井坐清冷
義不辱身以辱母從容天上騎列星嗚呼君臣大義不
可滅將軍之頭侍中血地有河嶽天日星此氣萬古英
靈結先生一去已垂三十年衣冠劍佩儼如坐對相周

旋千人萬人誰不流連感慕思高賢金門季子忝同譜
予也追隨討今古投我旌忠數萬言再拜讀之一羨一
悲苦我心何獨苦慷慨懷我祖我祖勝國今居鄴中原
流寇正咆哮一門殉義同日死大父母及叔父俱烈殉白日慘澹
空山均當時贈卹論金錢至今不得慰幽泉吾父負骨
走千里中夜欽涕號蒼天 興朝殊恩表忠節如公榮
名永不絕况有箕裘繼大名騏驥威鳳聲名赫撫卷讀
罷起長嘆孤燈熒熒明星寒淚如雨下空漫漫

庚戌傳臚贈同年蔡峴暘及第歌

銅龍曉闕祥雲起鴻臚高唱瑤墀裏誰是龍頭第一人

中郎才調神仙侶憶昔甲午同賢書聯翩挾策上公車

立菴先登魁天下長庚接武承明廬予也不材甘雌伏

十年落拓耕且讀甲辰忝附後車塵珥筆清班空躑躅

今君高步登天衢聯鑣上苑同追趨鍾陵衣鉢人爭羨

連枝桃李相紛敷史立菴吳長庚予及蔡俱甲午同榜時熊鍾陵先生典浙試吾鄉

山水饒靈秀范公韓公誇先後歲當庚戌六十春韓求仲先

生前庚戌鼎元天道循環豈易邁後來之賢似積薪鴻軒鳳舉

何嶙峋蔡子孫子本同里孫配瞻第二人與蔡同籍清邑一時領袖俱

絕倫徐君與予稱同學一門雙鳳承恩渥徐健菴第三人令弟即立

齊先生已亥鼎元同榜盛事良足多長言咏嘆為君歌為君歌

歌未已紛紛眼底多青紫吁嗟乎科名安足以重人惟
人足重科名爾君不見董江都天人三策名大儒又不
見公孫弘曲學阿世羞雷同我今與子各努力君恩
異數真難得

飲孫氏醉後放歌

酒不必蘭陵鬱金之美酒歌不必陽春白雪之妙歌長
安主人能好客殷勤勸我金叵羅金叵羅舞僂僂團圍
密坐情意多區區斗室安樂窩瓦盆拳石無風波君不
見王侯第宅高嵯峨金盤錯落晝鳴鼉賓朋跼踖禮法
苛人生貴適意跼踖奈爾何如澠之酒能使朱顏酡安

得魯陽揮其戈朱繩繫日停羲和君不飲空蹉跎

十峰草堂歌爲錢子作

九龍之山環九峰一峰一態如一龍興雲出雨氣磅礴
鱗甲欲動凌蒼空別有一峰何爲爾神奇夭矯龍之尾
世人咫尺不可見古來畸士都如此中有草堂繞煙蘿
草堂主人抱龍德或潛或見人不識時時掉臂弄雲霞
往往歌聲出金石曠懷雅好遊名山往來齊魯盡躋攀
有時夜半登日觀雙騎白鹿青雲間去年把臂歷山麓
清詩萬首酒百斛今年款段走長安朱門白水多交歡

手持尺幅字琳琅乞我題詩寄草堂予本風塵落拓人
青鞋布襪思徜徉安得投簪尋泛宅五湖之曲煙光白
與君拄杖聽鳴泉夜向松窓讀周易

送栢鄉夫子還里歌

崑林先生三不朽古來賢相真無有功成不數房杜輩
讀書豈落秦漢後用膽豁達鬚眉蒼光燄萬丈吐文章
孟軻不作家異豚力扶正學辨微茫垂紳嶽嶽多風采
身繫安危二十載富貴浮雲任所之廊廟江湖心不改
憶昔

先皇御極年崇儒論道開經筵翰林模楷知誰屬先生

學術懸中天中天事業真堪羨十漸封章邀帝眷內苑

賜騎黃轡馬承恩召入中和殿殿中移榻至尊前

天子曰吁朕自知爾賢用汝南臺掌邦憲慎毋因人成

黨偏

公擢憲府時召入中和殿面諭朕用汝朕自知之非有他人薦說慎勿隨人黨偏也

天語殷勤良不負清標特立誰與偶乍看鷹隼橫秋天
不使豺狼當道走龍飛恭遇今聖人兩朝元老社稷

臣裴楷風神齊玉鑑山公啓事號水輪未幾宣麻丞相

府繡衣赤舄中流柱好賢握髮古姬公清風補袞今山

甫退食從容靜有餘圖書滿牀花滿廬焚香讀書見真

性卷簾松月掛清虛著書等身不苟作學貫天人闡濂

洛門前立雪多逢掖座上光風揮鑿落幾年出入傍楓
宸如公生平有幾人神龍變化見首尾玉山朗徹無纖
塵忽然思作歸田賦抗辭雪涕中懷吐
天子動容感至誠溫綸暫許東臯去君不見漢二疏黃
金歸散無田廬又不見謝安石海內蒼生望再出先生
拂衣歸去早青泉白石恣幽討鄙南城邊桃花春笑汝
悠悠世上人

明宣德御書歌

辛亥二月十七日 召見 內殿

上出明宣宗御蹟

命臣我斯賦之恭賦一律退而

復作此歌敬誌其事焉

宣宗昔當明盛初手調玉燭奠皇居雕弧羽箭號神武
牙籤寶軸披圖書詩篇大雅同清廟丹青餘緒無不妙
一樹一石千黃金留傳後世生光耀我朝

聖人天縱姿右文講道追黃羲小臣蒙恩趨內殿得從
上方窺珍奇中官捧出蟠龍軸掛向殿前風謾謾上有
陵嶒歷落之高峰下有蒼蔥蜷曲之奇木行人指點武
陵谿桃花流水空淒迷幅巾騎馬看山去空山無人鳥
亂啼尺幅之中真奇絕筆法還同趙松雪誰云小枝雕
蟲才造化在手真氣開當時宣宗雅好士倚蘭之操垂

有春詩集卷之二
青史此畫應同招隱歌昇平黼黻良足多小臣珥筆猶
凝睇賡歌直想唐虞際拜手請作豳風圖千秋萬世揚
嘉謨

淮上行

有序

歲在辛亥江淮之間洪水爲災饑民載道踵相
接也

上聞而憫之發粟十萬石命戶部田侍郎過往賑

焉我斯恭紀其事兼以誌頌

去年淮上河口決奔濤壓城城欲裂風雨怒號霹靂垂
山崩海倒鬼神泣可憐城中百萬家一朝盡化爲魚鼈

復作此歌敬誌其事焉

宣宗昔當明盛初手調玉燭奠皇居雕弧羽箭號神武
牙籤寶軸披圖書詩篇大雅同清廟丹青餘緒無不妙
一樹一石千黃金留傳後世生光耀我朝

聖人天縱姿右文講道追黃羲小臣蒙恩趨內殿得從
上方窺珍奇中官捧出蟠龍軸掛向殿前風謾謾上有
陵嶒歷落之高峰下有蒼蔥卷曲之奇木行人指點武
陵谿桃花流水空淒迷幅巾騎馬看山去空山無人鳥
亂啼尺幅之中真奇絕筆法還同趙松雪誰云小技雕
蟲才造化在手真氣開當時宣宗雅好士倚蘭之操垂

在者詩集卷之二
青史此畫應同招隱歌昇平黼黻良足多小臣珥筆猶
凝睇賡歌直想唐虞際拜手請作豳風圖千秋萬世揚
嘉謨

淮上行

有序

歲在辛亥江淮之間洪水爲災饑民載道踵相
接也

上聞而憫之發粟十萬石 命戶部田侍郎過往賑

焉 我斯 恭紀其事兼以誌頌

去年淮上河口決奔濤壓城城欲裂風雨怒號霹靂垂
山崩海倒鬼神泣可憐城中百萬家一朝盡化爲魚鼈

死沉波底生漂流食無煙火居無穴牽耶帶孃哭不聞
但聞洪濤聲蕩激河干長吏憂傷皇議疏議築心計竭
一丈未築十丈崩今年築就明年圯泥沙日費萬金錢
道旁築舍復何益如雲餓夫半僵死官府下令克役卒
風餐露處河中央那得耕犁事阡陌對此茫茫心苦酸
更無荒草纏枯骨東南輓輸復可憂咽喉要地須長策
羽書絡繹奏彤闈廷議逡巡無是非

天子震驚仰屋嘆萬夫之饑猶已飢 詔發漕糧十萬

斛簡書特下天語促單車就道戴星馳庶幾慰此溝中
哭君不見長孺持節行便宜開倉發粟民無飢鄭公所

在置廬舍五十萬人免流離昔賢功名赫如此憂勤况
有今天子行看黃河水漸平我疆我理縱復橫明年
道上有春耕

墜馬行示方虎

長安之險險於蜀道難輪蹄雜沓如狂瀾紆金拖玉行
珊珊一朝失足毀衣冠驛騾驟耳空蹣跚嗚呼長安之
險不在羊腸鳥道之屈蟠往往平地生巒岒徐生落拓
何爲者結交意氣不肯假三條九市多風沙日暮垂鞭
騎駑馬騎過狹邪衝車輪馬蹄一蹶歛翻身撫膺捫足
長嘆息歸來偃臥愁呻吟請君莫呻吟聽我前致辭古

來折肱多良醫前車之覆誠可師人間何地無崎嶇禍
生於忽高可危不如裹足安卑棲吁嗟乎長安之險險
於蜀道難軒車駟馬何人還

洗象行

長安六月天氣昏正陽門西河水渾都人喧闐傳洗象
黃旗朱棒出九閘崑侖健兒氣如虎手持銀鈎伐金鼓
驅策如山倒玉河雲濤欲飛浪花吐翻身波底歛崩騰
迴颺激岸河水傾氤氳白晝鮫人泣珠璣亂落天吳驚
須臾碑兀河邊出盤跚擁腫淋漓濕道旁拂拭何軒軒
文茵錦罽誇裝飾君不見鹽車慘澹駕飛黃牽牛終日

困服箱爾何不耕蒼梧之野戰昆陽低頭蟠腹空趨踣
經年獨飽大官粟入忝朝班出黃纛焚身之忌在齒牙
緘默何能效觸邪有時拜跪承風旨坦步偏能中規矩
蒙恩竊祿爾輩多大而無用空蹉跎象兮象兮柰汝何

有鶴篇爲喬侍御賦

有鶴有鶴東南來矯矯毛羽霜雪皚托身何所志千里
朝戲芝田夕蓬萊迴翔卻顧主人屋區區不羨黃口粟
與君相依華池旁飽不颺飛飢亦足君不見雄雞斷尾
懼爲犧鳳凰千仞攬德輝落盧在前羅網施全軀遠害
貴知幾不然天生凌雲健羽翰何爲乎氈氈宛轉徒供

人間耳目之近玩

苦熱行

東鄰父老驚相訝長安酷暑無今夏六月旣盡大暑徂
赤雲騰空光四射牛馬渴死在道旁河流如綫不能瀉
日中杲杲絕飛禽郊外蟲蟲焚桑柘賤子閉門苦呻吟
高枕北窻汗盈把早起科頭眼欲昏手搖白羽無朝夜
可憐三百青銅錢只買寒冰長高價敲冰調水消煩憂
半月以來罷杯斝安得歛然涼風生梧桐清露垂芳榭
縱不歸去城南湖秋聲快讀蓬牕下

送學士熊青嶽前輩歸省

先生吾道之干城行年三十薄孤卿下帷董相研經術
布被孫弘恥釣名儼居城東耽寂寞優游獨尋孔顏樂
門無僮僕出無車終日清齋飽藜藿蕭然環堵見吾真
讀書講易究天人座上清風來日夕窓前帶草無冬春
一自抗疏忤絳灌

天子優容數嗟嘆早晚傳呼入禁中坐論從容神不倦
有時移榻造膝前讜言密語心拳拳日暮中官濡蠟液
退朝午夜雙金蓮今年 召見當暇日 天語殷勤及
家室再拜陳情意慘悽白髮高堂逾六十昨聞老病倚
門閭 君恩未報空躊躇 至尊歛歔動顏色承恩暫

許歸田廬吁嗟乎古來君臣一德如心膂如君異數真
難比當軒親賜玉花驄蒲桃錦繡金盤龍臨行更置蓬
萊宴黃封美酒天厨膳恩光稠疊拜寵嘉道傍觀者多
咨嗟霜蹄蹀躞如風驟萱草堂前歸上壽大官玉粒奉
慈闈宮錦裁成新舞袖卽今 朝廷重講筵橫經虛席
待周旋板輿花下難留滯春風早拂珊瑚鞭

從汪舍人借書走筆謝之

長安車馬如流泉長安客舍但高眠終年閉戶甕無粟
終日沽酒囊無錢無錢沽酒猶自可無書白晝空徂遷
城南舍人饒奇字借我一簾差快意一日一卷呻復吟

對之不啻雙南金

寄題栢鄉夫子玉樹軒歌

丞相堂前生嘉樹清風颯颯來無數已將老幹作棟梁
更長孫枝停煙霧城南日出氣鬱蔥霜皮翠葉何玲瓏
上有琅玕巢丹鳳下坐雷雨盤蒼龍先生拂衣遂初服
結廬人境如空谷對此婆娑十畝間道書千卷當軒讀
軒前亭亭白玉姿膝下爭賦凌雲詞彈棊石上清籟發
掀髯長嘯繁陰吹有時對客持杯酒萬斛明璫落在手
偃仰何如杜甫松離奇却勝陶潛柳憶昨追隨承明廬
粒園松石行紆徐今年分手當初夏停車折柳青門下

素心迢迢千里餘雲中忽下尺素書開書讀罷情歷歷
三徑蓬蒿樂晨夕近來一事差快意種樹南軒長千尺
相思漫作玉樹歌彷彿如在山之阿謝家庭樹何足羨
贏得優游安樂窩

爲屈荆巖同年題戴文進山水圖歌

明宣宗時戴文進下筆往往稱神俊何年寫此溪山圖
開軒披豁動幽興層巒疊嶂入青冥連卷老樹蛟龍形
白日慘澹木盡脫欲雨不雨溪煙生下有臨溪數茅屋
流泉活活鳴寒玉幅巾曳杖者誰子抱琴逍遙幽澗曲
扁舟來往溪之濱船頭篋篋雙紫鱗山翁漁父意莫逆

存者詩集卷之二
此中彷彿桃花津洛西屈侯靜者流攜向空堂拂素秋
長安塵飛高十丈對此忽作江湖想人生豈羨黃金裝
浮丘洪厓亦渺茫有山有水都如此風塵齷齪何爲爾
君不見昔日戴生搖筆金殿頭妙手凌空不見收留遺
此幅贈後人高山峩峩水粼粼

柴窰酒椀歌爲曹峩峩同年賦

主人好奇復好客開軒置酒城西宅手持酒椀號柴窰
云是顯德年間之舊物山河人代幾興亡可憐何物不
滄桑黃鐘大鏞爲瓦礫金盤寶鼎沉寒塘此獨何爲留
人世埋光抱璞多年歲大文不琢能善藏不向人間誇

珍異摩娑久之開塵顏青花黯澹珊瑚斑貞如蒼壁堅
如鐵獨留真色天地間世人往往愛金玉琉璃瑪瑙光
搖燭那知無用爲有用此物偏能傲時俗君不見舒州
之杓力士鎗李白與之同死生杜陵田家老瓦盆共醉
同眠竹樹根龍頭七寶安足貴名士由來有淺契李杜
不作酒人無椀乎椀乎爾之遇合何太孤淪落千年誰
識爾世人皆棄吾獨取江南曹侯爾知已

贈龔芝麓先生

丈夫二十成名聲譽早羨爾如雲如雪之懷抱磊落趨
朝三十年清風補袞如公少聞昔綰綬歷巖疆賦詩橫

禦氣激昂手殲狐鼠不快意力向當道驅豺狼一朝抗節風雲起明良會合非偶爾

先皇召見每動容嗟為當代真才子

孝陵常覽先生詩文嘆曰龔某真

才子

天語皇皇中外聞奇才豈獨賦凌雲白簡朝端時

嶽嶽青蠅世上徒紛紛伊時飛章攀帝檻薄海傾心仰

風範眼中久已無平津天子偏能知汲黯直道恭逢

今聖明兩朝模楷重金城丹詔忽聞求故劍東山豈

肯忘蒼生一從拜領秋官長上書委曲開羅網前有于

公後陳寵公也眎之真不爽平反豈止活萬人太和之

氣轉洪鈞指揮不數蕭曹輩眷顧終留社稷身餘力猶

尋翰墨藪著作名山真不朽刻燭分曹酒百壺揮毫對
客詩千首廣平亦自賦梅花開府清新句足誇招攜不
向王侯宅來往偏尋處士家嗟余落落愁偃仰每望高
山神獨往幾時投袂登君堂看君綵筆聲琳琅

題卓氏傳經堂

吾友火傳天下士少年磊落聲名起君方弱冠我成童
結交共指茗溪水別來荏苒二十年頭顱蕭索已如此
予方高臥長安廬有客叩門迎倒屣頽然拱揖向我前
知是君家丈夫子袖中攜來雙鯉魚復持一卷冰雪書
長跪開書讀且美羨君世德高門闔君家侍郎垂遺烈

英謀毅魄真人傑厥後播遷家西吳相傳數世多賢哲
入齋左車名巨儒高風獨行人追趨蟾臺蓋淵大文舒
光芒萬丈照寰區偉哉卓氏三先生風流不媿漢西京
前有韋孟後元成箕裘累葉何崢嶸吾友讀書懷先澤
歲時俎豆羹牆接此堂巋然號傳經遺書萬卷留講席
我曾扁舟過塘棲古垣松柏晝淒迷臯亭山色環蒼翠
兩溪之水清無際上有園林氣鬱蔥流連太息追高蹤
嗚呼人生不識名教樂六經往往成糟粕浮名富貴安
所爲傳經之名良可思看君名山圖不朽令子才華亦
無偶安得拂衣登此堂彈琴坐嘯共徜徉高山流水永

相望

瀛臺侍直

明星欲沒天漸高濯龍翔鳳連雲霄繚垣十里城西壕
高槐疎柳列平臯朝官下馬轉虹橋鳴泉細響如鸞簫
輕霞旭日籠山椒沙鷗對對戲蘭苕上林景物清以遼
芙蓉水殿生涼飈黃羅玉案近綺寮垂衣無事永陶陶
侍臣執簡空濡毫宮中不聞奏雲璈南風一曲解民勞

乞酒歌柬吧瞻

吾鄉烏程有美酒葡萄玉薤不足偶少時磊落號酒狂
一飲如鯨吞數十年來拘束困長安夜夜酒杯不在手

前年攜泛若下船置之牀頭若瓊玖寂寞須澆醜礪胃
流瀉每倒談天口花時有客來叩門不惜傾瓶剪春韭
今年忽愁尊底空蕭索真同失良友街頭酒肆豈不多
徒費杖頭心欲嘔易州菊花名最佳天然風味終無有
我常品酒如品人寧取其淡味可久昨聞君家寄舊醅
鵝黃鴨綠盈尊在乞君兩甕消煩寃赤腳蒼頭夜趨走
開鼻拂拂香滿衣持杯灑灑光生牖頽然一醉臥中庭
仰看浮雲變蒼狗須臾放筆寫長歌明月牆頭照淡柳

捕蝗謠

江淮之間水旱洊臻壬子夏蝗復爲災有司上

捕蝗之議嚴子感而作此謠

飛蝗爾何來薨薨如風雨朝飛蔽雲天夜聚漫江滸江
北諸州人苦飢千邨萬落少耕犁高原如焚下江湖半
爲魚鼈半隹枯天生羽孽復蠶食此邦之人嗟何辜官
司倉皇無良策下令捕蝗較斗石斗蝗斗粟何人爲我
聞其事良可悲或云豐荒有數咎在歲天灾不可以人
制或云妖不勝德昔可鑿驅雖不盡勝養患吁嗟乎蝗
災食民苗吏酷食民膏蝗食民苗誠可憂吏食民膏何
時瘳捕蝗不如捕虐吏寬租停扑蝗何尤君不見昔日
中牟魯恭化飛蝗不敢傷禾稼

第三子醉日戲作長句

去季今日兒初生滿堂賓客驚啼聲今年頭角已漸露
雙瞳爛爛秋水注富家試兒夸珍奇珠綸繡祿光陸離
汝翁家貧無長物未能免俗聊爾爲盤中羅列何所有
一卷殘書如敝帚祇看綵筆欲生花豈有銀黃大如斗
世上兒子何紛紛只愛黃金不愛文黃金滿籩無不可
生小通侯號冠軍慎母學汝翁窮年弄紙筆賣文終日
囊無錢揮毫殿上家無食看汝英英氣食牛持杯一爲
開顏色

峴山懷舊

南湖四月煙波暖落花晴翠飛池館橫塘綠樹晝陰陰
遠浦紅亭歌緩緩紅亭綠樹尚依然春去春來最可憐
往事舊思桃葉渡風流會上木蘭船船頭載酒葡萄酒釀
渡口看花翡翠帳楚楚尊前雙黛蛾雲鬟霧縠嬌相向
此際遊人駐馬看此時調笑共憑闌黃金約指坐羅袖
碧玉搔頭間木難攜手風前人欲醉亭臯日暮眠空翠
清歌驚起鷺鷥飛暖沙笑指鴛鴦睡盡日追歡薄暮天
回橈蕩槳過城偏絳蠟重燒揮鑿落青驪欲唱動離絃
金鞭送客長安路十載金門歎遲暮可憐悽悴老徐孺
可憐寂寞江郎賦江邊何處泣琵琶金縷歌殘事已賒

在者詩集卷之二
誰知夜雨青衫濕不繫春風白鼻騮回首妝臺明鏡下
我未成名君未嫁如澠美酒玳瑁卮凌雲健筆珊瑚架
卽今老大各風塵相思相憶柳條新洲前惟有藤蘿月
猶照當年醉酒人

登吳山絕頂醉後放歌

鳳凰嶺畔吳山高鳳凰嶺下翻江濤江雲片片白如練
江風五月聲怒號有客攀蘿踞峰頂手弄青霞白日冷
嗟峩崇觀連天高俯瞰鱗鱗千萬井中有道士芙蓉巾
琉璃之蓋松花醇拂拭南窓青玉簾殷勤邀我傾千巡
回首西湖西子面明妝翠黛光灑灑木蘭雙槳嬌晴波

桃花玉勒如飛電須臾黑雲起雷峰吹笙雨腳掛晴空
疑是秦皇渡海時驅山鞭石形離奇又如萬弩射江潮
轟雷蹴浪鼉鼉驕於時當筵四顧駭心目淋漓急進杯
中綠尊前狂客如李暮橫吹玉笛撼山木笛聲皦皦動
江濱吹破江天萬里雲忽然好月起雲端銀樓玉闕揚
清芬君不見蘇公旣往風流歇處士亭邊荒草沒湖山
變幻在斯須何必滄桑人代殊我今不飲何爲乎嗚呼
我今不飲何爲乎城頭落月空啼鳥

翁孝廉招集賦贈

君家草堂南湖曲門對南山繞溪綠愛君有書十萬卷

在春言集卷之二
愛君有酒三百斛折簡相邀愛君意登堂把書斟且讀
愛君留客何殷勤滿湖煙月光繽紛載酒重登青雀舫
看山還趁白鷗羣臨行乞取君家樹婆娑卻掃花間路
君來爲我題新詩更擬明朝倒接羅

贈陸吳州同年

使君磊落文章伯千人萬人多辟易賦筆爭傳水部才
匡時早上江都策聲華藉甚滿長安廟廊之具何槃槃
文成氣吐青芙蓉結交手贈金琅玕憶昨燕山長把袂
金蘭雅好如昆弟五夜高談玉麈揮十千美酒銀魚貫
一自星輅向粵州予亦歸臥南山頭簡命重來五湖

表冰壺玉鏡懸清秋近來文苑多榛莽大雅不作先民
往嘈嘈下士蒼蠅聲寥寥千載黃鍾響使君力起挽頽
波獨彈古調聲嗟峨移情每奏高山曲寡和真成白雪
歌更羨凌雲坐高館繡衣豸服揮銀管倚馬何曾見敏
捷雕龍枉自誇長短嘆息誠爲不世才光芒萬丈驅風
雷驂騑造父兩相遇天閑從此多龍媒君不見君家敬
輿號內相經綸滿腹安可量卽今
天子雅尚文徵書早晚來天上

風鳶詞

城南芳草平如掌春風駘蕩晴雲朗何物瑤瑤綺陌頭

隨風宕漾青天上道上兒童意氣驕買得并州金剪刀
剪就凌雲雙六翻身輕那直一鴻毛笑謂今朝風力便
綫索在手如飛電宛轉經過翡翠樓悠揚故落鞦韆院
別院高樓春思孤長繩不肖繫陽烏黃鸝紫燕紛相逐
飛絮遊絲倦欲扶今年春事愁多雨昨夜狂風天未起
看爾高飛得意時站站終憂墮江水

讀豐草菴集感賦

吳興畸人董夫子穉稜瘦骨清無比讀盡人間未見書
撒手懸崖行萬里憶昔少日頗好奇許我登堂操杖几
鹿山草堂清且幽藥鑄聲沸長松裏渡口拏舟問訊來

烏啼日暮嵐光紫一從分袂忽滄桑三十年來一彈指
聞君夢向廬山行千巖飛瀑聲在耳痛哭風塵不可居
豈肯吹簫與牧豕靈巖山上鸞鶴羣中有夫山古開士
相逢一笑悟前身金粟如來無乃是予也落拓困塵埃
自顧區區等蟲豸安得相從掉臂遊芒鞋踏破靈巖趾
挑燈夜半讀奇文俯仰茫茫泪如泚

甲寅夏五湖樓對雨作

歲在庚戌留京師傳聞大水沒橋柱辛壬之歲旱且蟲
十家九舍無寧土去年田租薄有秋催征府帖下如雨
苦賣牀頭十斛粟六伯青銅卮官數何況誅求隔歲糧

千瘡百孔誰能補今年淫雨復如傾一月曾無一日晴
疾雷砰砰翻屋角苦霧昏昏晝不明早起湖樓兀然坐
悽風濁浪卷茆蘆竈中生蛙雞上屋牆垣倒塌難支撐
雨點如麻不肖歇對此茫茫心魂驚田家野老坐愁歎
大麥既死小麥爛荳苗菜甲無一把老嫗提籃哭荒岸
大兒忍饑赴縣門皮破短衣不及骭出門皂隸苦索錢
歸來土突絕煙爨縱使天晴田可耕枵腹安能把犁耜
哀今之人多倒懸天地慘淡愁烽煙吁嗟乎天地慘淡
愁烽煙不愁烽煙滿天地但愁今歲無畊田

五日行

去年五日居無廬骨肉三變人歔歔今年五日苦兵革
千邨萬落無人跡况復經旬雨不休五月簷前擁絮裘
苔衣上牆蚯蚓出放眼不見紅安榴團圞且自揮鸚鵡
竟日無人欵蓬戶蒼頭漫貼消兵符穉子新懸長命縷
傳聞明日開新征里正倉皇婦子驚街上新絲何處賣
荒田白水無人畊今年今日猶自可壺中有酒盤有果
明年今日更何如有酒不飲空躊躇

十五松山房偶集題贈主人

在虞山麓

海虞之山真奇秀層峰疊翠雲滿岫陸家池館枕山阿
十五虬松列前後霜皮黛色形支離一株一態無不奇

處士高風巖際落天台圖畫望中披中有草堂名嘉蔭
 盤拏老樹高千仞翠蓋當空白日停青葱滿地蒼苔潤
 東偏有亭面方池梅花萬樹橫參差曲檻紆迴明月上
 紅橋宛轉長虹垂西望高樓何鬱蒼樓名松風謾謾松花
 香拂面時時涼枕簟開簾夜夜奏笙簧主人盤桓樂永
 夕酌酒彈碁雅好客鳥啼磻戶落空青鑪香几案生虛
 白於時不速叩君門相看莫逆各無言座客盡彈金捍
 撥開尊便把玉崑侖東風二月春光好勝地良辰休草
 草賞遍華燈醉未歸天涯幾箇開懷抱君不見言游井
 邊夕照虛昭明臺下半丘墟多情惟有松間月長伴西

窓夜讀書

燕雛篇

嚴子坐書室見燕雛盼其母不至失足墮地命
 童子取而納之巢中因係之以詩

飛飛雙燕巢我屋
 斲泥往來毛羽禿
 養子辛勤三十日
 朝捕青虫夜啄粟
 雌雄子母相因依
 啾啾安樂忘禍機
 一朝子母忽相失
 母兮不來雛苦飢
 啾啾簷前若悲訴
 倚徙空巢望朝暮
 微軀不惜報生成
 那得團圓復如故
 嗚呼爾燕不如反
 哺烏空梁夜月愁
 羈孤

半塘曲

金閨門外山塘路半塘游屐香成霧枇杷花下掩雙扉
楊柳津邊初問渡誰家庭院畫蕭疎窈窕爭傳女校書
同心未結芙蓉帶寶髻羞妝墮馬梳風流才調元無價
筆牀翡翠珊瑚架慣寫青山家在吳吟成白雪才同謝
不向尊前舞柘枝焚香擲管度芳時夜雨自彈金捍撥
春風閑品玉參差我來踏破蒼苔徑人退室邇還乘輿
非霧非煙若箇邊爲雲爲雨原無定斗帳流蘇空復情
膽瓶花褪悄無聲鵲尾煙消孤繡被燕泥香落污桃笙
石闌倚遍難歸去漫題團扇留新句斑駁明日好重來
來時記取門前樹

繰絲曲

田家四月桑葉稀鶉鳩啼雨乳燕飛吳蠶上山蠶如雪
繰車索索鳴柴扉車上少婦飛蓬首兩月辛勤露雙肘
朝忘沐櫛夜無眠那得新衣縫女手須臾府帖下鄉邨
里正倉皇來打門但償官稅苦不足更向厨中索酒肉
君不見富家女兒嬌綺羅吳綾越絹無人駝

乞竹贈湖口山僧

我家城東數間屋青松怪石南軒足北窗今夏苦煩冤
只欠蕭蕭數竿竹滿城桃李競敷華平泉樹石供樵牧
道人心跡本雙清但喜簷前戛寒玉扁舟昨過湖口山

白髮老僧臥山麓繞廬萬箇青琅玕鳳兮不食埋空谷
許我移來種草堂護持不使霜根曲此君蕭散如高人
我亦清齋食無肉時時徑裏聽幽禽往往林間煮黃獨
阿對挑泉月滿庭羊求相過杯行綠與君各保歲寒姿
獨坐團圞豁心目牀頭况有冰雪文攜向秋堂深夜讀
重遊半月泉徐子携酒走筆謝之

清溪十月蘆花白鯉魚風老千崖亦有客停車溪上頭
蠟屐烏藤隨所適行人指點古招提野橋一路蒼煙迷
老樹輪囷藏山鬼斷碑傾側橫荒畦中有名泉號半月
何年老蟾營此窟石闌斜照生涼暉對之不覺寒心骨

古來名泉何處無亦如名士沉菰蘆片言品題垂不朽

令人千載懷髯蘇

壁有東坡
石刻詩

蘇公一往不可見六客風

流去如電一泓真見古人心齷齪不照今人面我來飛
觴憶舊遊悲風日落啼鶻留白雲蒼狗朝還暮紅樹青
山春復秋願如此泉常在山在山之泉清且閒願如此
月不常清天道虧盈有長短安得美酒三千觴與君長
臥清溪旁

夢登嵩山歌爲潘菊翁作

有序

潘菊翁有道士也常夢登嵩山予操杖與俱拈
韻賦詩有白雲封二室朱草發三臺之句覺而

成詩二首見示予因憶童子時讀書山中去涉
園數武晨夕過從撫今追昔酬以長句涉園菊

翁別墅也

平生不如向子五嶽遊側身俯仰空懷縹緲十二之銀
樓蹉跎自歎頭早白安能一室坐嘯生煩憂憶昔少時
負奇氣振衣濯足凌滄洲涉園老人號菊旃方瞳綠髮
仙人儔與予素心授寶訣人間何處無丹丘一從人代
滄桑變彈指年光如飛電翁年八十顏渥丹餐霞吸露
無不羨探奇每欲尋名山芒屨布襪行吟徧昨聞夢登
嵩山顛三十六峰高插天天雞一聲碧海動蒼茫九點

青齊煙中有仙人王子晉吹笙控鶴相周旋虎書鳳篆
人不識紫文綠字誰與傳予也悠悠誠下士欲往從之
道如咫搗帛依稀玉女砧草廬彷彿盧鴻里古來慧業
多神仙何用丹楳與玉髓秦皇漢武非仙才驅山鞭石
何為爾詩成長嘯俯人寰天驚石破開心顏朱草網緼
誰處所白雲蒼莽何時還拂衣他日行相訪笑指三臺
二室間

為先大人輯嗜退菴語存書成感賦

二十上書不得意誤中副車行歸休遭家多難歷坎壈
千里負骨道阻修蚤謝儒服結廬舍老益著書忘窮愁

城東一菴顏嗜退仰讀俯思輕王侯網羅百代事揆討
今人古人互獻酬丹黃左右樂晨夕琉璃一燈懸虛舟

先君喜琉璃燈所居室名傲畫舫可喜可愕千古事有時浮白傾尊白

憶昔趨庭奉嚴訓一物不知儒者羞讀書萬卷去糟魄

胸羅造化空九州譬如神禹之導水源委疏鑿分百流

亦如武侯制八陣奇正變化與天侔大如孔子觀周廟

崇牙植羽鳴鏞球細如爾雅箋蟲魚禽言獸語辨鞣輶

以此娛老自愉悅敢垂不朽名山留再拜受之負牆立

至今抱書心愀愀豐草主人董夫子若雨相與作頌揚

千秋元圃之上玉華居中藏靈籍金銀樓未焚詩書响

嚶碑形模奇怪盤螭蚪下土茫茫未覩此綠雲紛披封

仙丘天公大都秘元妙蒼頡臺前鬼啾啾千載以下何

寥廓作者識者誰與儔金心唐灝儒已往鐵關舅氏

仍元死董子不復人間游四先生博物嗜古先君執陋

儒昨舌下士笑何異蒼蠅與蜉蝣知音既斷廣陵絕高

山流水空悠悠

寒夜吟

東家打水炊無煙西鄰補衣裝無綿主人兀坐愁太息

燈昏酒薄吟惻惻君不聞堂上圍爐暖玉卮堂下餓夫

受鞭笞老雞喔喔夜已半街頭雪高吏方散

有言集卷之二
三
愛澤樓
嚠水謠 有引

爲陸令君稼書作也令治嚠甌塵釜魚不減范
萊蕪其懸弧之日邦之人有負斗米或數升者
有持蔬菜及鹽豉者有攜卮酒隻雞者雜沓公
庭爲君壽曰不敢以他物累使君也其署名姓
者返之負而置諸庭叩首而去者不知某甲乙
也聚米共得數百石貯諸庫曰不敢以此損吾
民也嚴子聞其事樂得而詠歌之以當輿人之

頌云

嚠之水兮清且漣使君堂上坐鳴絃嚠之水兮清且漪

使君郊外多畊犁使君官庖食無肉長鬚編籬種野藪

使君侵晨寒無衣老婢當窗織布機此二實事也使君寒民

五袴使君飢民含哺升君之堂介君壽有酒盈卮有蔬

盈豆長老在前穉子在後進君一觴兮爲君三祝君門

萬里兮何人勿知吁嗟今之人兮廉吏可爲而不爲

在者言集卷之二

三

愛澤樓



